



12. august 2011

UKA2011/80

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-imeersumi § 11, Imm. 2-p atorunnaarsinneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaqaq Kristian Jeremiassen, Siumut)

**Tunnngavilersuut:**

Namminersorlutik Oqartussat nalunaarutaat nr. 7, 29. marts 2011-imeersumi § 11 ima allaqqavoq:

*§ 11. Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiutigalugu piniartunut aamma sunngiffimmi piniartartunut agguassinissaq pillugu piumasaqaatinik, aalajangersaasinnaavoq.*

*Imm. 2. Sunngiffimmi piniartartut aqutsiviup qilalukkanik qaqortanik qernertanillu pisassiissutaasa 0-10 % -iisa akornanni amerlassuseqartunik pisassinneqarsinnaapput."*

Kommunet nammineerlutik aalajangersinnaasariaqarpaat qanoq amerlatigisunik qilalukkanik inuussutissarsiutigalugu piniartunut aammalu sunngiffimmi piniartartunut pisassiissanerlutik, taanna tunnngavilersuutigalugu siunnersuut saqqummiuppara, isumaqarama nalunaarutip qulaani taaneqartup kommunit nammineersinnaatitaanerannik killiliisoq

Qanga piniaqatigiittarneq ingerlassimavarput napassutigalugulu tamanna maannakkut qilalukkat eqqarsaatigalugit atorunnaarpoq imatut paasillugu:

Taamaammat siunnersuutigivara kommunet namminneerlutik aalajangersinnaasariaqaraat qitiusumik aalajangikkat pisassiissutit iluanni sunngiffimmi piniartartut qilalukkat qassit pisarisassagaat. Isumaqarpungalu inuussutissarsiutigalugu piniartunut aalisartunullu pisassat amerlanerit tunniutissallugit isumaajuartarsimasoq.

**Siunnersuutip aningaasatigut kingunissai**

Siunnersuutip akuersissutigineqarneratigut Namminersorlutik Oqartussanut aningaasartuutissanik kinguneqassanngilaq.

**Siunnersuutip allaffisornikkut kingunissai**

Siunnersuutip akuerineqarneratigut suliaq Naalakkersuisoqarfiup attuumassuteqartup suliasaasa ataanut nalinginnaasunut ilaalisaaq. Ilanngullugu Inatsisip allanngortereernerata kingorna nutserneqarnissaani nutserisiumik sulisitsisoqassaaq.